



Број: 01/5-50-1-5-54/10

Сарајево, 26. 7. 2010. године

Z A P I S N I K

54. сједнице Комисије за саобраћај и комуникације, одржане 26. 7. 2010. године

Сједница је одржана 26. 7. 2010., с почетком у 14,10 сати.

Сједници су присуствовали чланови Комисије: Садик Баhtiћ, Селим Беšлагић, Жељко Кузмановић, Šемсудин Мехмедовић и Мехмед Сулјкановић.

Одсуствовали су: Бранко Докић, Славко Матић и Хусеин Нанић.

Из Министарства комуникација и промета БиХ сједници су присуствовали: Којо Копривица, помоћник министра, Влатко Дрмић, саветник министра, Сената Љенгић, виши стручни сарадник, и Зоран Андрић, виши стручни сарадник у Одсјеку за друмски пријевоз путника и роба.

Сједници су још присуствовали: Фикрет Гаћановић, предсједavajuћи Вјећа Агенције за поштански саобраћај БиХ, Деливоје Ђерић и Нино Ћорић, чланови Вјећа Агенције за поштански саобраћај БиХ, Зијад Синановић, директор Сектора за промет и комуникације Ванјскотрговинске коморе БиХ, Емир Повлакић, руководиоц Сектора за дозволе, дигитализацију и координацију у емитирању Регулаторне агенције за комуникације БиХ, Санја Бућић, виши стручни сарадник у Сектору за усклађивање правног система Дирекције за европске интеграције, Медина Делалић, виши стручни сарадник у Сектору за односе с јавношћу, Ахмед Јаловићић, секретар, и Александар Нинковић, стручни саветник у Комисији за саобраћај и комуникације.

Сједницом је предсједavaо Šемсудин Мехмедовић, први замјеник предсједavajuћег Комисије.

За сједницу је предложен слједeћи

D N E V N I R E D

1. Усвајање Зписника 53. сједнице Комисије;
2. Приједлог закона о међународном и међуентитетском друмском пријевозу, предлагаћ: Вјеће министара БиХ (друга комисијска фаза);
3. Разматрање ранг-листе кандидата за члана Управног одбора Јавног радиотелевизијског сервиса Босне и Херцеговине из хрватског народа;
4. Захтејев Предузећа за поштански саобраћај Републике Српске а.д. Банјалука у вези с именовањем јавних поштанских оператера из БиХ у складу с чланом 2. Конвенције УПУ– додјела ИМРС кода;
5. Текућа питања.

Dnevni red usvojen je jednoglasno.

Ad. 1. Usvajanje Zapisnika 53. sjednice Komisije

Zapisnik 53. sjednice usvojen je jednoglasno, bez primjedbi.

Ad. 2. Prijedlog zakona o međunarodnom i međuentitetskom drumskom prijevozu, predlađač: Vijeće ministara BiH (druga komisijska faza)

Šemsudin Mehmedović napomenuo je da je amandmane na Prijedlog zakona blagovremeno uložio Željko Kuzmanović, te dao uvodnu riječ Koji Koprivici, predstavniku predlađača Prijedloga zakona o međunarodnom i međuentitetskom drumskom prijevozu, kako bi se izjasnio o amandmanima i Prijedlogu zakona u cjelini.

Koji Koprivica iznio je stav Ministarstva da su amandmani Željka Kuzmanovića prihvatljivi, osim amandmana III. Kao razlog neusklađivanja Prijedloga zakona s pravnom tečevinom EU (*acquis communautaire*) naveo je da prijevoznici iz BiH u slučaju liberalizacije tržišta nemaju kapacitete da ravnopravno konkuriraju evropskim prijevozničkim firmama. Napomenuo je da uporedni prikaz usklađenosti odredbi Prijedloga zakona s *acquis communautaire* nije kompletno urađen, pa stoga Direkcija za evropske integracije nije mogla dati adekvatnu ocjenu usklađenosti.

Sanja Buhić, predstavnica Direkcije za evropske integracije, istakla je da Direkcija ostaje pri svom mišljenju o neusklađenosti odredbi Prijedloga zakona s *acquis communautaire*.

Zatim je otvorena rasprava, u kojoj su učestvovali članovi Komisije: Željko Kuzmanović, Selim Bešliagić i Šemsudin Mehmedović, te Zijad Sinanović, direktor Sektora za promet i komunikacije Vanjskotrgovinske komore BiH.

Nakon rasprave, Komisija se izjašnjava o podnesenim amandmanima i Prijedlogu zakona na sljedeći način:

AMANDMAN I.

U članu 2. tačka uuu) mijenja se i glasi:

„uuu) raspodjela podrazumijeva postupak, na osnovu unaprijed utvrđenih kriterija, kojim se dozvole po vrsti i broju raspoređuju na entitete i Brčko Distrikt.“

Amandman nije usvojen s jednim glasom „za” i četiri „protiv”.

AMANDMAN II.

U članu 6. u stavu 2. poslije riječi „međuentitetskog“ riječ „javnog“ briše se.

Amandman nije usvojen s dva glasa „za”, dva „protiv” i jednim „suzdržan”.

AMANDMAN III.

U članu 10. u stavu 3. riječi „Ministarstva (u daljnjem tekstu: ministar)“ brišu se. Predlagač amandmana je, zbog negativnog stava Ministarstva, odustao od ovog amandmana.

AMANDMAN IV.

U članu 46. u stavu 2. u tački e) iza riječi „kabotažu“ stavlja se tačka, ostatak rečenice briše se.

U istom članu dodaje se novi stav 3. koji glasi:

„(3) U slučaju iz stava 2. tačka e) ovog člana nadležno inspekcijsko tijelo upućuje motorno vozilo bez putnika, odnosno tereta na najbliži granični prijelaz radi izlaska iz države, nakon što osigura nastavak prijevoza putnika, odnosno tereta do odredišta s prijevoznikom koji posjeduje odgovarajuću dokumentaciju u skladu s ovim zakonom.“

Amandman nije usvojen s dva glasa „za“, dva „protiv“ i jednim „suzdržan“.

AMANDMAN V.

U članu 50. u stavu 1. riječi: „nadležno tijelo Ministarstva“ mijenjaju se riječju „ministarstvo“.

Amandman nije usvojen s dva glasa „za“, dva „protiv“ i jednim „suzdržan“.

AMANDMAN VI.

U članu 52. tačka g) briše se.

Amandman nije usvojen s dva glasa „za“ i tri „protiv“.

Komisija, s četiri glasa „protiv“ i jednim glasom „suzdržan“, nije prihvatila tekst Prijedloga zakona, iz sljedećih razloga:

Komisija je konstatala da je Direkcija za evropske integracije, u svom mišljenju o usklađenosti Prijedloga zakona s pravnom tečevinom EU (acquis communautaire), utvrdila da Prijedlog zakona nije usklađen s pravnim aktima komunitarnog prava, kojim je regulirana oblast koju ovaj zakon uređuje, kao i da predložene kaznene odredbe Prijedloga zakona nisu precizno definirane. Cijeneći navedeno, Komisija nije podržala Prijedlog zakona.

Ad. 3. Razmatranje rang-liste kandidata za člana Upravnog odbora Javnog radiotelevizijskog servisa Bosne i Hercegovine iz reda hrvatskog naroda

Prvi zamjenik predsjedavajućeg je napomenuo da Komisija razmatra predloženu rang-listu kandidata u cijelosti, nakon čega je dao riječ predstavniku Regulatorne agencije za komunikacije BiH.

Emir Povlakić istakao je da je u potpunosti ispoštovana procedura propisana Zakonom o Javnom radiotelevizijskom servisu BiH i da je Parlamentarnoj skupštini BiH dostavljena kompletna dokumentacija predloženih kandidata.

Nakon toga je otvorena rasprava, u kojoj su učestvovali članovi Komisije: Selim Bešliagić, Šemsudin Mehmedović i Mehmed Suljkanović.

Komisija je jednoglasno prihvatila rang-listu kandidata za člana Upravnog odbora Javnog radiotelevizijskog servisa BiH iz hrvatskog naroda, te predlaže Predstavničkom domu da, u skladu s članom 26. stav 1. Zakona o Javnom radiotelevizijskom servisu BiH, imenuje člana Upravnog odbora s rang- liste kandidata koji su ušli u uži izbor.

Komisija je jednoglasno usvojila sljedeći zaključak koji dostavlja Predstavničkom domu na usvajanje:

Predstavnički dom traži od nadležnih organa da se deblokira proces izbora i imenovanja člana Upravnog odbora Javnog radiotelevizijskog servisa Bosne i Hercegovine iz srpskog naroda.

Ad. 4. Zahtjev Preduzeća za poštanski saobraćaj Republike Srpske a.d. Banjaluka u vezi s imenovanjem javnih poštanskih operatera iz BiH u skladu sa članom 2. Konvencije UPU– dodjela IMPC koda

U raspravi su učestvovali: Fikret Gačanović i Delivoje Đerić, iz Agencije za poštanski saobraćaj BiH, Vlatko Drmić i Senada Čengiđ, predstavnici Ministarstva komunikacija i prometa BiH, kao i članovi Komisije: Selim Bešliagić, Željko Kuzmanović i Šemsudin Mehmedović.

Nakon opće rasprave, Komisija je, s četiri glasa “za” i jedan “protiv”, usvojila sljedeći zaključak:

Komisija predlaže Kolegiju Predstavničkog doma da se zaduži Ministarstvo komunikacija i prometa BiH da, uzimajući u obzir već usaglašeni dio teksta Prijedloga zakona o poštama BiH, koji nije dobio podršku na 61. sjednici Predstavničkog doma, održanoj 30.9.2009., sačini novi Prijedlog zakona o poštama u kojem bi se definiralo i formiranje posebne službe koja bi bila nadležna za međunarodni poštanski saobraćaj i imala jedan međunarodni kod (IMPC kod).

Ad. 4. Tekuća pitanja

Kako nije bilo pitanja, predsjedavajući je zaključio sjednicu u 15,25 sati.

SEKRETAR KOMISIJE
Ahmed Jalovičić

PRVI ZAMJENIK
PREDSJEDAVALJUĆEG KOMISIJE
Šemsudin Mehmedović

- Dostavljeno:
- INDOK-u
 - a/a